

## Yiisa - Bimoba

### 1.1

Labamann na jiin Yennu Bija Yiisa Masia poe.

### 1.14-15

14 Tɔn, ki bi tan soor Jɔɔnn wunba wuur niib Yennu nyunwuru na, ki kɔɔnɔ dansarik; ki li poorpo ki Yiisa saan Galilii tij ni, ki mɔɔntir Yennu barɔanii 15 ki yeen a “Yoo baara, ki Yennu ɔaanaan baaru per na; li paak, teent man barɔanii maɔ yada ɔaan nyik i toonbiit.”

### 1.21-27

#### **Jɔɔ nba ki narinbiik be u ni na labaar**

(Luk 4.31-37)

21 Ki Yiisa nan ɔamm saan kɔɔ Kapenaum doo ni; ki Juu teeb foon daar tan baar, ki Yiisa kɔɔ Yennu jiantu diiuk ni, ki piin ki want niib Yennu maan. 22 Ki u wannu maɔ bakiitib bonchiann, kimaan u wannib nan u tee daanɔ nba yen yiikoo nae, ki ki wannib nan sennu wanteeb nba tuu wantib bianjinba na.

23 Ki li yoo na ki jɔɔ nba narinbiik be u ni na be Yennu jiantu diiuk na ni, ki yikin sanpaapo ki yeen a 24 “Fin Yiisa, Nasaref nirɔ na, timm nan fin nlee mantiki? A baar a a tan biiritee? N mi faa tee wunba; a tee Yennu Popeendaanɔ nae.”

25 Ki Yiisa tian u paak a, “Ijminin fuut, ɔaan nyi u ni.”

26 Ki narinbiik na fuun jɔɔ na ki tan lu-u ɔaan yikin sanpaapowa, ki ji nyii u ni. 27 Li din teen bi kur yaarlituko, ki bi boi leeb a “Bee na? Wannsaann jiaki? U mɔk yiikoo ki yeen narinbiit, ki bi saak u mɔb.”

### 1.32-34

32 Li daar maɔ daajonyiɔk, ki niib jii baatib nan binba ki narinbiit be bi ni na, ki baar namm Yiisa boor. 33 Ki doo maɔ ni niib kura lakin ki tan yia diiuk na tammɔb. 34 Ki u te ki niib bonchiann nba yiar yiarbooru kura paak, ki bia nyinn narinbiit niib bonchiann ni, ɔaan ki ki sak narinbiit maɔ n yet siari, kimaan bi din mi waa tee wunba.

### 2.1-12

Ki li din teen daa ɔaɔɔa nna, ki Yiisa bia ɔmat Kapenaum; ki bi mɔɔnt nan u ɔmat ɔaak powa. 2 Ki niib bonchiann tikir, nan yiar bommintik nnawa tan kaa ɔaak maɔ ni, ki sɔɔ saa fit baar tammɔb ni; ki u mɔɔntir Yennu maan ki teemm. 3 Niib banna din tan jii baatsɔɔ ki u gbanant kpowa; ki bi paanɔ lian paak a bin baar nanɔ Yiisa boor. 4 Bi din ki fit baar u boor kimaan niib nba din yabit na paak, ɔanne ki bi chɔɔ loot diiuk na yur a paak, ki sikin baatsɔɔ na nan lian ki tan birɔ Yiisa tɔɔnn. 5 Yiisa nba din la baa teenɔ yada bianjinba na, ki u yet baatsɔɔ na a “N bik, n nyik chab a biita.”

6 Li yoo na ki Yennu sennu wantesiab kar lej maɔ ki boi bi para ni a, 7 “Bee teen ki jɔɔ na piak nna? U yekint u mɔɔ nan Yennue. Ijmee saa fit nyik chab nirɔ biiti, ki li ki tee Yennu kuukɔɔ kaa?”

8 Dudukit na nba din be bi para ni yoo nba na, ki Yiisa bann ki boib a “Bee ki i dukii linba na? 9 Maa yet baatsɔɔ na a ‘N nyik chab a biit’ koo maa saa yetɔ a ‘Fiit ki jii a lian kii somm na,’ maan munlee na

lannpoe paarii? 10 Ijaan n saa wannu nan min nisaarik Bik mək yiikoo tingbouŋ na ni, ki saa fit nyik chab nirɔ biit;” ŋanne ki u jiant bet wunba ki u gbanant kpo na a 11 “N beerae, fiit, ki jii a liaŋ kii kun a ŋaak ni.”

12 Li taakpaak ni ki u fiir jii u liaŋ ki nyii bi kura ninbina ni; ki li bakitib bonchiann; ki bi piak dont Yennu sann ki yeen a “Ti daa ki mi la bakitnaug toona na booru.”

4.35-41

#### **Wouŋ nan nyun nba sak Yiisa mɔb biaŋinba**

(Matiu 8.23-27; Luk 8.22-25)

35 Li daar maŋ daajoouk ki Yiisa bet u poorpoweiteeb a, “Ijaant man ki tin poot məkgebŋjir na pootir.” 36 Li yooe ki bi nyik nibur na, ki kɔɔ waa kar burgbetir nba na ni; ki ŋamm nan ŋɔɔ lakin saan. Ijaan burgbetlia bia din be leŋ. 37 Baa be burgbetir maŋ ni ki ki mi yiitian, ŋamm tan sɔɔ wounpaaruk fikite, ki nyunpana piin liat ki kɔɔ burgbetir maŋ ni, ki li tan yaa lin gbee. 38 Li yoo Yiisa din dɔɔ burgbetir maŋ poor po ki kpaak yukpaktir ki gɔɔnt. Ijanne ki u poorpoweiteeb fiinɔ ki yaa, “Chanbaa, taa yaa ti kpo na, a baka kaa ti po-o?”

39 Ki u fiir set ki tian wounpaaruk na paak, ki bia bet nyunpana na mun a “Dɔɔt soon nna.” Ki wounpaaruk maŋ nyik, ki nyun na mun ji dɔɔ ki muu dik dik. 40 Ijanne ki u boi u poorpoweiteeb maŋ a “Bee ki i tiin jaŋmaanii? I bia daa ki mək yada-a?” 41 Ki jaŋmaanii soorib bonchiann, ki bi boi bi leeb a “Jabooree na? Wouŋ nan nyunpana gbaa saak u mɔbe.”

5.22-24

22 Ki jasɔɔ baar leŋ, ki u sann yi Jairus; u din tee Yennu jiantu diiuk ni saakɔsɔɔe. Jɔɔ na nba la Yiisa yoo nba ki u gbaan Yiisa tɔɔnn, 23 ki barimɔ nan u par kur a “N bonpobike yiar ki per kuuma. A kan baar na ki tan yii a nii u paak ki wun lek la laafia ki tinnii?”

24 Ijanne ki ŋɔɔ nan Yiisa ji saa u ŋaak ni. Ki nibur mun bia waa ki muk ki tut Yiisa.

5.35-42

#### **Yiisa nba fiin bonpobik na kuun ni biaŋinba**

(Matiu 9.23-26; Luk 8.49-56)

35 Yiisa nba daa piak linba na ki siab nyii Jairus na ŋaak ki baar yet Jairus maŋ a, “A bonpobik na taan kpowa. Bee ki a ji daamii Wanntɔɔ na?”

36 Ki Yiisa lek teen nan u ki gbat na, ŋaan bet Jairus maŋ a, “Daa tiin jaŋmaanii. Teentin yada.” 37 Ijanne ki Yiisa ki sak ki sɔɔ n weio saan ŋaak na ni, see Piita nan Jeems nan u waarɔ Jɔɔnn. 38 Baa din baar ŋaak na ni yoo nba ki Yiisa gbat fuut nan kpemɔnii. 39 Ijanne ki u kɔɔ boib a “Bee fuute mani? Bee ki i bui? Bik na ki kpo kaa, u gɔɔnte.” 40 Baa gbat u barii na ki bi laau. Ijanne ki u ber nyinnib, ŋaan jii bik na baa nan u naa ki pukin u poorpoweiteeb bantaa na po, ki bi kɔɔ diiuk ni, bik na nba dɔɔ siaminba na. 41 Baa kɔɔ yoo nba, ki u soor bik na nuu ŋaan yetɔ a “Talita kumi.” Li paak tee, “Bonpobik, n yeen fine, fiit.”

42 Li taakpaak ni ki bonpobik na fiir set kakibii, ki somm lin. (U din tee bina piik nan ŋanlee bike.) Ki li din jaar litib bonchiann.

7.18-23

18 Ŋanne ki u boib a, “I mun bia lek daa tee yankpeenae? I ki mi a linba kur ki nisaarik di, li ki teeno jakintii? 19 kimaan li ki koo u par ni kaa, Ŋaan u poor nie ki li koo, ki bia kpant bint ki nyi.” (Waa yet bianjinba na want nan jeet kura Ŋan.)

20 Ki u yet pukin a, “Linba set nyi nisaarik par nie teeno jakint, 21 kimaan u par nie ki dudukiit baat nan poo weiu nan jab weiu, nan nanyukin, nan nikpinu, 22 nan bonchonchon-toona, nan joonbaanu, nan nianchiŋ, nan biitbooru booru, nan faak, nan toon-yana, nan funfunn, nan sanjaauŋ, nan karinbaanii, nan jat toona. 23 Linba na kur nyi nirɔ par nie ki teeno jakint.”

9.2-8

#### **Yiisa gbanant lebitu labaar**

(Matiu 17.1-13; Luk 9.28-36)

2 Li daa Ŋanloob daar, ki Yiisa jii Piita nan Jeems nan Joonn ki doo namm joo nba fɔk bonchiann paak, bi kuukoo. Li yoo ki bi la ki u lebit; 3 ki u tiat nyirik ki peen par par. Ki soo kaa tingbouŋ na ni ki saa fit penn tiat nan Ŋann na. 4 Ki bi la ki Elaija nan Moses lekit yomm ki piak nana. 5 Ŋanne Piita yet Yiisa a “Chanbaa, li Ŋan nan taa be nna na. Ti saa faa lanbont Ŋantaae, ki yenn-i tee a yar, ki leer-i tee Moses yar, ki leer mun-i tee Elaija yar.” 6 Jarmaanii nba din soor Piita nan u leeb maŋ bonchiann na paake ki u din ki mi waa yeen linba.

7 Li yoo ki sanpagbouŋ dookit ki piimm; ki bi gbat kunkor sanpagbouŋ na ni, ki li yet a “N Bilonkake na; gbiintir u mɔb man.” 8 Ki bi jiant got, Ŋaan ji ki la soo bi boor, see Yiisa kuukoo.

12.28-31

#### **Sennu nba gar leer labaar**

(Matiu 22.34-40; Luk 10.25-28)

28 Tɔn, sennu wantsoo din be leŋ ki gbat Yiisa nan Sajusiinba na labafaanu maŋ, ki la Yiisa nba gat bi buboit maŋ fanu bianjinba. Li paak ki u baar Yiisa boor, ki mun tan boio a “Ki sennlanupoe kpan tee sennjaanni?”

29 Ki u jiino a “Linba tee sennjaann tee nnae: ‘Israel teeb, gbiintir man, ti Yomdaano Yennu tee Yenyenkooe; 30 i loono nan a par kur, nan a seek kur, nan a dudukit kur, nan a paŋ kura.’ 31 Sennjaann nba pukin Ŋanlee tee nnae: ‘I loon a loo nan faa loon a moŋ bianjinba na.’ Sennsau ji kaa ki gar sennii Ŋanlee nba na.”

14.10-11

#### **Judas nba sak nyii Yiisa poor bianjinba**

(Matiu 26.14-16; Luk 22.3-6)

10 Ŋanne ki Yiisa poorpoweiteeb piik nan banlee na yeno, wunba ki bi yiu Judas Iskariot na, saan Yennu jiantu yudamm boor a wun koi Yiisa. 11 Ki bi para penn, waa yaa wun yetib linba Yiisa po na, ki bi senn mɔsonn a bi saa pau likirii li paak. Ki u ji piin loon soonu nba ki u saa jii Yiisa ki kubin bi nuu ni.

14.44-46

44 Ki mɔlanfik daano Judas maŋ poŋ wannib nyinsiara a “Mi-i saki foont wunba ki moot u tankpinn, yii mi nan ŋooe na. Yin sooro kii diau fanu kii saa nana.”

45 Judas nba baar yoo nba, li taakpaak ni ki u saan Yiisa boor ki yiin a, “Wantsoo” Ŋaan moot u



din sii tee foon daare; li paak, ki u din saan nan parcheenn ki yet Pailat a wun chabɔ Yiisa gbanant. 44 Pailat nba gbat a Yiisa poŋ kpowa na, ki li ji yaarlitɔ; ki u yiin kunkɔnkɔnna yudaanɔ na ki tan boiɔ a, “Yiisa nba kpo li yukira-a?” 45 Yoo nba ki u gbat yudaanɔ maŋ mɔb ni na, ki u yiin Joosef maŋ ki tan chabɔ a wun jii Yiisa gbanant na. 46 Joosef poŋ din daa katije waa, ki kpaat Yiisa gbanant dapunpunn na paak, ki pɔbinɔ leŋ, ki jiiu pii kaauk nba ki bi poŋ din jiar tanpiuk ni na, ki bikit katangbeŋŋir, ki biin li mɔb.

#### 16.1-7

Foon daar nba din tan gar, ki Meeri Magdaliinn, nan Salome, nan Meeri, wunba tee Jeems naa na, din saan ki saa daa bonnunubit a bin saan but Yiisa gbanant paak. 2 Lasir daar sanyapob ni ki bi saan kaauk maŋ boor ni. 3,4 Baa daa din be sɔnu ni yoo nba, ki bi boi bi leeb a, “Ŋmee sa saa birint katanu kaauk maŋ mɔb paak ki turiti?” (Li katanu din gbeŋ bonchiann.) Ŋanne ki bi tan per leŋ, ki got la ki katanu maŋ poŋ birinta ki dɔɔ li kɔɔ. 5 Ki bi kɔɔ kaauk maŋ ni, ki saa la naasimɔ nna lia baanpiouŋ ki kar niidiitu po. Ki li teemm jijeet bonchiann.

6 Ki naasimɔ maŋ yetib a “I daa jee siar mani. N mi nan i loon Nasaref nirɔ Yiisa nba ki bi kpuii dapunpunn paak nae. U kaa nna; u fiir kuun niwa. Gotir man, baa daan birɔ siaminbae na. 7 Yi ŋmat ki saa bet u poorpoweiteeb nan Piita a u gar bi tɔɔnn ki saan Galiliwa; leŋe ki bi saa lau nan waa poŋ daan betib bianjinba na.”

#### 16.15-16

15 Ki u bia yetib a “Yii saa kii mɔɔntir barŋanii na ki tur sɔɔ kur tingbouŋ na kur po. 16 Wunba kur teenin yada, ki bi wurɔ Yennu nyunwuru, u saa la tinnu; ŋaan wunba ki teenin yada, Yennu saa bu u buut ki biirɔwa.

#### 16.19-20

##### **Yiisa nba doo Yendɔuŋ ni bianjinba**

(Luk 24.50-53; Toona 1.9-11)

19 Tɔn, Yiisa nba pak barii na ki gbenn yoo nba, ki Yennu te ki u doo Yendɔuŋ ni ki saa kar ŋɔɔ Yennu niidiitu po. 20 Ŋanne ki u poorpoweiteeb na saan ki saa mɔɔntir u barŋanii na lokir kur po, ki ti Yomdaanɔ be namm, ki te ki bi tuun yaarlituk toona, ki li toona wann siara nan bi mɔɔntii maŋ set tee barmɔniie.